



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1628. usque ad annum 1634

Fleury, Claude

August. Vind. [u.a.], 1778

VD18 90118871

§. 60. Ludovici XIII. Galliarum Regis pacificatio cum Africæ Imperatore.

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

Sæc. XVII.
A. C. 1632.

§. LX.

Ludovici XIII. Galliarum Regis pacificatio cum Africa Imperatore.

Lotich. rer. Germ. l. 46. cap. 5. Jam antea Galliarum Rex cum Africano Rege, qui se Africae Imperatorem & Marocenum Regem appellabat, quindecim annorum induciis pacifcebatur; hanc vero pacem quædam Gallus Christianæ Religionis defertor violaverat, dum ex Regia Bibliotheca inter ceteros Codices operæ D. Augustini, & quidem autographis omnia auro, ac unionibus pretiosissimis ornata furto furripuit, atque in Africa in Hispanias transtulit, ubi hunc usque diem asservantur. Cum vero per Barbarorum securitatem plurimum Franciæ commercium promoveretur, hinc Richelius Cardinalis missis in Africam Legatis die vigesima quarta Septembris pacem redintegrare studuit, sub his legibus. I. Omnia mancipia libere dimittantur, nec deinceps Gallus in servitutem redigatur. II. Singuli Mercatores Galli sine tributo novo per hoc Regnum libere negotientur, eadem facultate Æthiopes vicissim per Gallias concessa. III. Gallis liceat per Africae urbes constitare

re Consules, qui Christianorum causas dijudicarent. IV. Unaquæque Religio libertate gaudeat, atque in Gallorum usus Cænobia PP. Capuccinis erigantur. V. Eadem negotiandi libertas exteris Christianis concedatur, si Gallorum merces deferant. VI. Galliarum Rex adversus Africani subditos Hispanis nulla ferat auxilia, nec Africanus arma contra Franciæ amicos vertat. Firmatis utrinque hisce articulis pax inter utrumque Regem refulsit.

Sæc. XVII.
A. C. 1632.

§. LXI.

Nova dissidia inter ipsos Helvetios exorta.

Dum interea Helvetii, Ludovico Franciæ & Gustavo Sueciæ regibus id suadentibus, se neutri parti, fervente Germaniæ bello, adhæsurus pollicebantur, ab exteris injuriis tuti intestina fovebant dissidia: Postquam enim Calviniano-Zwingliana pestis Tigurinos invaserat, hi in Turgoviam, seu Comitatum Provinciale, necnon Appenzellam & Rheintaliam imperium sibi vendicabant, facta inter se transactione, ut tam Catholicæ, quam Calvinianæ Religionis exercitium ibidem esset liberum: Hac conventionem freti

Lotich. l. c.
l. 52. c. 3.

Pp 2

Tigu-